

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

----- 2020 წელი

ერთი მხრივ, სსიპ „საქართველოს მეცნიერებათა ეროვნული აკადემია“ (შემდგომში შემსყიდველი) წარმოდგენილი მისი პრეზიდენტის გიორგი კვესიტაძის სახით და მეორე მხრივ, ----- (შემდგომში მიმწოდებელი) წარმოდგენილი ----- სახით, ორივე ერთად წოდებული როგორც „მხარეები“, ემოქმედებთ რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების შესაბამისად, შემსყიდველის მიერ გამოცხადებული ელექტრონული ტენდერის #NAT----- შედეგების საფუძველზე, ვდებთ წინამდებარე ხელშეკრულებას შემდეგზე:

1. ტერმინთა განმარტება

1.1. წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების განხორციელების წესის შესახებ“ დებულების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. „შემსყიდველი ორგანიზაცია“ (შემდგომ შემსყიდველი) ნიშნავს ორგანიზაციას (დაწესებულებას), რომელიც ახორციელებს შესყიდვას.

1.1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ.

1.1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.1.6. „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1. მიმწოდებელი შემსყიდველს მიაწვდის ელექტრონული ტენდერით #NAT----- გათვალისწინებულ საინფორმაციო სერვისის დამატებითი მომსახურების შესყიდვას, ხოლო შემსყიდველი იღებს ვალდებულებას მიიღოს მოთხოვნილი შესყიდვის ობიექტი და გადაიხადოს მისი ღირებულება ხელშეკრულებით გათვალისწინებული პირობებით.

2.2. წინამდებარე ხელშეკრულებით მისაწოდებელი შესყიდვის ობიექტის სრული დასახელება, მახასიათებლები, რაოდენობა, ერთეულის ფასი და საერთო ღირებულება მითითებულია მიმწოდებლის გასაწევი მომსახურების ხარჯთაღრიცხვა (დანართი).

3. შესყიდვის ობიექტი

3.1. შესყიდვის ობიექტი – საინფორმაციო სერვისის დამატებითი მომსახურებები.

4. შესყიდვის ობიექტის მიწოდების ვადები და პირობები

4.1. შესყიდვის ობიექტის მიწოდების ვადა: ხელშეკრულების გაფორმებიდან 2020 წლის 31 დეკემბრის ჩათვლით.

4.2. შესყიდვის ობიექტის მიწოდების ადგილი: ქ. თბილისი, რუსთაველის 52

5. ხელშეკრულების ღირებულება

5.1. ხელშეკრულების საერთო ღირებულებაა ----- (-----) ლარი, მიმწოდებლის სატენდერო წინადადების და ფასების ცხრილის შესაბამისად.

5.2. ხელშეკრულების საერთო ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

აქტის გაფორმების შემდგომ.

6. ანგარიშსწორების ფორმა, გრაფიკი და ვადები

6.1. ანაზღაურება მიმწოდებელთან განხორციელდება უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე.

6.2. ხელშეკრულებით გათვალისწინებული შესყიდვის ობიექტის საფასური ანაზღაურდება ეტაპობრივად, ყოველთვიურად მიმწოდებლის მიერ შესაბამისი საგადასახადო დოკუმენტის წარმოდგენიდან არა უგვიანეს 10(ათი) სამუშაო დღისა.

6.3. დაფინანსების წყარო: სსიპ „საქართველოს მეცნიერებათა ეროვნული აკადემიის“ 2020 წლის სახელმწიფო ბიუჯეტი.

7. მხარეთა უფლებები და ვალდებულებები

7.1. შემსყიდველი ვალდებულია:

7.1.1. სრულად და დადგენილ ვადაში გადაიხადოს მიწოდებული შესყიდვის ობიექტის საფასური;

7.1.2. ჯეროვნად და კეთილსინდისიერად შეასრულოს ხელშეკრულებით გათვალისწინებული ვალდებულებები.

7.2. შემსყიდველი უფლებამოსილია:

7.2.1. მოსთხოვოს მიმწოდებელს ხელშეკრულებით და ელექტრონული ტენდერით #NAT----- გათვალისწინებული ვალდებულებების ჯეროვნად შესრულება;

7.2.2. განხორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

7.2.3. მოითხოვოს მიმწოდებლისაგან დეტალური ამონაბეჭდი შემსყიდველი ორგანიზაციის სარგებლობაში არსებულ სატელეფონო ნომრებზე შემოსული და განხორციელებული სატელეფონო ზარების შესაბამისი დროის მითითებით და ინფორმაცია ფინანსური ურთიერთვალდებულებების შესახებ;

7.2.4. მიმწოდებლის მიზეზით სააბონენტო ნომრებზე სატელეფონო კავშირის შეწყვეტის შემთხვევაში, არ გადაიხადოს სააბონენტო გადასახადი სატელეფონო კავშირის შეწყვეტის დროის პროპორციულად.

7.3. მიმწოდებელი ვალდებულია:

7.3.1. ამ ხელშეკრულებით დადგენილი პირობების შესაბამისად განხორციელოს ხელშეკრულებით განსაზღვრული შესყიდვის ობიექტის მიწოდება, ამავე ხელშეკრულებით და მისი დანართებით განსაზღვრული პარამეტრების, წესებისა და ტარიფების დაცვით, აღნიშნული პირობების გადახვევის შემთხვევაში შემსყიდველი ორგანიზაცია თავისუფლდება ყველანაირი ზედმეტი ხარჯების გადახდისაგან;

7.3.2. კეთილსინდისიერად და ჯეროვნად შეასრულოს ხელშეკრულებით გათვალისწინებული ვალდებულებები;

7.3.3. მიმწოდებლის მიზეზით სააბონენტო ნომრებზე სატელეფონო კავშირის შეწყვეტის შემთხვევაში, არ დააკისროს შემსყიდველ ორგანიზაციას სააბონენტო გადასახადი სატელეფონო კავშირის შეწყვეტის დროის პროპორციულად;

7.3.4. უზრუნველყოს კომუნიკაციების ეროვნული კომისიის მიერ განსაზღვრული პარამეტრებით, ხარისხიანი სატელეფონო კავშირი;

7.3.5. შეუზღუდავად და უწყვეტად უზრუნველყოს სატელეფონო კავშირი;

7.3.6. შესყიდვის ობიექტის მიწოდებისას გამოვლენილი დეფექტის/ნაკლის ან დაზიანების შემთხვევაში, შეტყობინების მიღებისთანავე, განხორციელოს დროულად მისი შეკეთება ან ახლით შეცვლა, შემსყიდველის მხრიდან რაიმე დამატებითი დანახარჯების გაწევის გარეშე;

7.3.7. უზრუნველყოს შემსყიდველი შესაძლებლობით, მიიღოს ინფორმაცია მისი დავალიანების ოდენობის შესახებ და ასევე, აცნობოს წერილობით სატელეფონო კავშირის შეწყვეტის შესახებ წინასწარ არაუგვიანეს 10 (ათი) სამუშაო დღისა;

7.3.8. შესყიდვის ობიექტის მიწოდებისას აცნობოს შემსყიდველს ყველა განსაკუთრებული გარემოების შესახებ;

7.3.9. მოახდინოს შესყიდვის ობიექტის მიწოდებასთან დაკავშირებული დეტალური ინფორმაციული უზრუნველყოფა.

7.3.3. არ გაამჟღავნოს შემსყიდველის პერსონალური ინფორმაცია გარდა იმ შემთხვევისა, როდესაც დავალიანების გადახდა ხორციელდება მესამე პირთა მიერ ან/და კანონმდებლობით გათვალისწინებულ სხვა შემთხვევებში.

7.4. მიმწოდებელს უფლება აქვს:

7.4.1. მოსთხოვოს შემსყიდველს ამ ხელშეკრულებით ნაკისრი ვალდებულების შესრულებისათვის ანაზღაურება ხელშეკრულებით გათვალისწინებული პირობები.

8. ხელშეკრულების ინსპექტირების პირობები

8.1. შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მიწოდებული შესყიდვის ობიექტის ხარისხის ინსპექტირება.

8.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება წინამდებარე ხელშეკრულების ჯამური ღირებულება ან უარესდება წინამდებარე ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.2. წინამდებარე ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მეორე მხარეს არანაკლებ 10 (ათი) კალენდარული დღით ადრე წერილობით.

9.4. წინამდებარე ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

9.5. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.6. შემსყიდველს შეუძლია მიიღოს გადაწყვეტილება წინამდებარე ხელშეკრულების შეწყვეტის შესახებ აგრეთვე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს წინამდებარე ხელშეკრულებით ნაკისრი ვალდებულებების შესრულებას;
- ბ) საქართველოს კანონმდებლობით გათვალისწინებულ სხვა შემთხვევებში.

9.7. წინამდებარე ხელშეკრულების შეწყვეტა შესაძლებელია მხარეთა შეთანხმებით ნებისმიერ დროს მისი მოქმედების განმავლობაში და ასევე, მხარეთა მიერ წინამდებარე ხელშეკრულებით ნაკისრი ვალდებულებების სრულად და ჯეროვნად შესრულებისას.

10. ფორს-მაჟორი

10.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.

10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა პასუხისმგებლობა

11.1. მხარეების მიერ ხელშეკრულებით განსაზღვრული პირობების და ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

11.2. ხელშეკრულებით განსაზღვრული პირობების და ვალდებულებების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, სახელშეკრულებო ღირებულების 10%-ის ოდენობით.

11.3. ხელშეკრულებით განსაზღვრული პირობების და ვალდებულებების ნაწილობრივ შესრულების შემთხვევაში, დამრღვევ მხარეს ეკისრება პირგასამტეხლოს გადახდა, შეუსრულებელი (დარჩენილი) ვალდებულების შესაბამისი ღირებულების 5%-ის ოდენობით.

11.4. ხელშეკრულებით განსაზღვრული პირობების და ვალდებულებების არაჯეროვანი შესრულების (მათ შორის, ვალდებულების შესრულების ვადაგადაცილების დროს) შემთხვევაში, დამრღვევ მხარეს ეკისრება პირგასამტეხლოს

გადახდა, ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 პროცენტის ოდენობით.

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

13.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების 13.2. პუნქტის შესაბამისად.

14. საინფორმაციო უზრუნველყოფა და ხელშეკრულების მოქმედების ვადა

14.1. შემსყიდველს შესყიდვის ობიექტის მიწოდებასთან დაკავშირებული საკითხების გასარკვევად და შესაბამისი ინფორმაციების მისაღებად შეუძლია დაუკავშირდეს მიმწოდებლის ცხელ ხაზს -----

14.2. ხელშეკრულება ძალაში შედის ----- და მოქმედებს 2021 წლის 31 იანვრის ჩათვლით.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.3. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცივდება მხარეთა შორის, უნდა შეესაბამებოდეს ხელშეკრულებაში აღნიშნულ პირობებს.

15.4. ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-4 პუნქტის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

16. მხარეთა რეკვიზიტები და ხელმოწერები

„შემსყიდველი“

„მიმწოდებელი“

სსიპ „საქართველოს მეცნიერებათა

ეროვნული აკადემია“

მისამართი: ქ. თბილისი,

რუსთაველის გამზირი #52

ტელ/ფაქსი: 2997372; 2990052

ს/კ #203851536

სახელმწიფო ხაზინა

სახაზინო კოდი TRESGE22

ანგარიშის #20012290

/გიორგი კვესიტაძე/

/-----/

